

## puruṣa sūktam

oṃ taccam̐ yorāvṛ'ṇīmahe | gātum̐ yaññāya' | gātum̐ yaññapa'taye |  
 daivī" svastira'stu naḥ | svastirmānu'ṣebhyaḥ | ūrdhvaṃ ji'gātu  
 bheṣajam | śaṃ no' astu dvipade" | śaṃ catu'ṣpade |

oṃ śāntiḥ śāntiḥ śānti'ḥ ||

sahasra'sīrṣā puru'ṣaḥ | sahasrākṣaḥ sahasra'pāt |  
 sa bhūmi'm̐ viśvato' vṛtvā | atya'tiṣṭhaddaśāṅguḷam ||

puru'ṣa evedagṃ sarvam" | yadbhūtaṃ yacca bhavyam" |  
 utāmṛ'tatva syeśā'naḥ | yadanne'nātiroha'ti ||

etāvā'nasya mahimā | ato jyāyāg'-śca pūru'ṣaḥ |  
 pādo"᳚sya viśvā' bhūtāni' | tripāda'syāmṛta'm̐ divi ||

tripādūrdhva udaitpuru'ṣaḥ | pādo"᳚syehā᳚᳚bha'vātpuna'ḥ |  
 tato viṣvaṅ-vya'krāmat | sāśanānaśane abhi ||

tasmā"dvirāḍa'jāyata | virājo adhi pūru'ṣaḥ |  
 sa jāto atya'ricyata | paścād-bhūmimatho' puraḥ ||

yatpuru'ṣeṇa haviṣā" | devā yaññamata'nvata |

vasanto a'syāsīdājyam" | grīṣma idhmaśśaradhdhaviḥ ||

saptāsyā'san-paridhaya'ḥ | triḥ sapta samidha'ḥ krtāḥ |  
devā yadyañnam ta'nvānāḥ | aba'dhnan-puru'ṣam paśum ||

taṃ yañnam barhiṣi praukṣan' | puru'ṣam jātama'grataḥ |  
tena' devā aya'janta | sādhyā ṛṣa'yaśca ye ||

tasmā'dyaññāt-sa'rvahuta'ḥ | sambhr'taṃ pṛṣadājyam |  
paśūg-stāg-śca'kre vāyavyān' | āraṇyān-grāmyāśca ye ||

tasmā'dyaññātsa'rvahuta'ḥ | ṛcaḥ sāmā'ni jaññire |  
chandāg'ṛsi jaññire tasmā't | yajustasmā'dajāyata ||

tasmādaśvā' ajāyanta | ye ke co'bhayāda'taḥ |  
gāvo' ha jaññire tasmā't | tasmā'jjātā a'jāvaya'ḥ ||

yatpuru'ṣam vya'dadhuḥ | katithā vya'kalpayan |  
mukhaṃ kima'sya kau bāhū | kāvūrū pādā'vucyete ||

brāhmaṇo'ṁsya mukha'māsīt | bāhū rā'janya'ḥ krtāḥ |  
ūrū tada'sya yadvaiśya'ḥ | padbhyāgṃ śūdro a'jāyataḥ ||

candramā mana'so jātaḥ | cakṣoḥ sūryo' ajāyata |  
mukhādindra'ścāgniśca' | prāṇādvāyura'jāyata ||

nābhyā' āsīdantari'kṣam | śīrṣṇo dyauḥ sama'vartata |  
padbhyāṃ bhūmirdiśaḥ śrotrā't | tathā' lokāgm aka'lpayan ||

vedāhame'taṃ puru'ṣaṃ mahāntam'' | ādityava'rṇaṃ tama'sastu  
pāre |

sarvā'ṇi rūpāṇi' vicitya dhīra'ḥ | nāmā'ni kṛtvāḥ bhivadan,  
yadāḥ ste'' ||

dhātā purastādyamu'dājahāra' | śakraḥ pravidvān-pradiśaścata'sraḥ |  
tamevaṃ vidvānamṛta' iha bha'vati | nānyaḥ panthā aya'nāya vidyate  
||

yaññaena' yaññama'yajanta devāḥ | tāni dharmā'ṇi prathamānyā'san |  
te ha nāka'm mahimāna'ḥ sacante | yatra pūrve' sādhyāssanti' devāḥ  
||

adbhyaḥ sambhū'taḥ pṛthivyai rasā''cca | viśvaka'rmaṇaḥ  
sama'vartatādhi' |  
tasya tvaṣṭā' vidadha'drūpame'ti | tatpuru'ṣasya viśvamājā' namagre''  
||

vedāhametaṃ puru'ṣaṃ mahāntam'' | ādityava'rṇaṃ tama'saḥ  
para'stāt |  
tamevaṃ vidvānamṛta' iha bha'vati | nānyaḥ panthā'

vidyate<sup>२</sup>ya'nāya ||

prajāpa'tiścarati garbhe' antaḥ | ajāya'māno bahudhā vijā'yate |  
tasya dhīrāḥ pari'jānanti yonim" | marī'cīnāṃ padamicchanti  
vedhasa'ḥ ||

yo devebhya āta'pati | yo devānā"ṃ purohi'taḥ |  
pūrvo yo devebhyo' jātaḥ | namo' rucāya brāhma'ye ||

ruca'ṃ brāhmaṃ janaya'ntaḥ | devā agre tada'bruvan |  
yastvaivaṃ brā'hmaṇo vidyāt | tasya devā asan vaśe" ||

hrīśca' te lakṣmīśca patnyau" | ahorātre pārśve |  
nakṣa'trāṇi rūpam | aśvinau vyāttam" |  
iṣṭam ma'niśāṇa | amuṃ ma'niśāṇa | sarva'ṃ maniśāṇa ||

taccam yorāvṛ'ṇīmahe | gātuṃ yaññāya' | gātuṃ yaññapa'taye |  
daiivī" svastira'stu naḥ | svastirmānu'ṣebhyaḥ | ūrdhvaṃ ji'gātu  
bheṣajam | śaṃ no' astu dvipade" | śaṃ catu'ṣpade |

oṃ sāntiḥ sāntiḥ sānti'ḥ ||

Web Url: <http://www.vignanam.org/veda/purusha-suktam-english.html>